

## Cunghyangh Densidaiz Aen Lanzmoeg《Mbanjranz》 Bekingj Vwnzva Ngux Nyied Co' ngux Cingsih

### 央视《乡土》栏目聚焦靖西端午文化

Vih “damqra vwnzva mbanjranz, baijok funghcingz mbanjranz”, geij ngoenz gonq, Cunghyangh Densidaiz aen lanzmoeg 《Mbanjranz》 bae daengz Cingsih Yen bekingj vwnzva conhdizben ngux nyied co' ngux, ndaw cezmuzyaek baijok gij lizsij hawyw、ywdoj ywbingh、cawj yw ngauz yw daengj minzfung minzsug Cingsih, nem aen cenzgingj caeuq banhfap Cingsih baenzlawz hwngfat hawyw canjyez daengj, gij cezmuzyaek couh yaek youq bineix ngux nyied co' ngux geizgan caeuq gyoengq bouxyawj daengx guek raennaj lo.

(Gvangjsih Sinhvwnz Vangj)



## Hagseng Iq Gip Ndaej Roeg-gyaeujmeuz Gyau Hawj Minzgingj

### 小学生捡到年幼猫头鹰上交



meuz numh caengz rox mbin, camhseiz youz sinhlinz minzgingj guengciengx, caj de majhung rox mbin seiz caiq cuengq haeuj ndoeng bae.

Geij ngoenz gonq, Ginh-cwngzgyangh Gih song boux hagseng iq mingz heuh Suiz Yenzcwz、Veiz Yungz youq gwnz roen cuengqhag ma ranz gip ndaej duz roeggyaeujmeuz numh ndeu, songde hwnjmuengx liuj-gaij ndaej rox dwg doenghduz rogdoengh guekgya baujhoh, couh heuh cawjranz bang dawz roeggyaeujmeuz numh gyau hawj minzgingj. Aenvih roeggyaeujmeuz numh caengz rox mbin, camhseiz youz sinhlinz minzgingj guengciengx, caj de majhung rox mbin seiz caiq cuengq haeuj ndoeng bae.

(Ciengj Genhfangh Cinz Leij)

## Duh'anh Roengzngaenz 417 Fanh Maenz Daeuj Bauj Cang Seuqsak Gunghcwngz

### 都安投入 417 万元保障清洁工程

5 nyied 21 hauh, Duh'anh Yauzcuz Swciyen gawjhengz aen yizsi fatcuengq ci rag nyapnyaj seuqcingh lajmbanj. Cwnggyangh、Anhyangz、Disuh、Yaau、Gauhlingj、Dahingh daengj yanghcin caeuq yienh sicwng bumwnz gungh lingx ndaej 10 gyaq ci rag nyapnyaj. Daj gaihcanj seuqcingh lajmbanj hozdung gvaqdaej, aen yienh neix gibseiz anbaiz 417



fanh maenz cienhangh ginghfei daej yungh youq hong seuqcingh lajmbanj, caemhcai q cujiz ganbu ginzung cienzmienh bae gaihcanj hong seuqcingh, daengx yienh ndawsingz lajmbanj swnghcanj swnghhoz vanzging mingzyienj gaijndei. Ndaw doz dwg aen yizsi yienhciengz fatcuengq ci rag nyapnyaj.

(Vangz Bungzvanh)

## Sanglinz: Ciepcoux Cietciengxndang Swnghdai Lijyouz Daeujdaengz

### 上林: 迎来生态旅游养生节

5 nyied 19 hauh, 2013 “Ngoenz Lijyouz Cungguek” Namzningz cawjhoihciengz caeuq Sanglinz Cietciengxndang swnghdai lijyouz youq Sanglinz Yen hoengh hai.

2012 nienz 11 nyied, Sanglinz Yen aeundaej aen cwngghauh “Mbanjranz Souhgyaeu” neix. Baez cietciengxndang lijyouz neix aeu “Swnghdai Sanglinz、Deih Fuk Souhgyaeu” daej guh cawjdaez, dawz cietciengxndang caeuq “Mbanjranz Cungguek Souhgyaeu” giethab hwnjdaej, engqgya haeujlaeg dwk bae fungfouq minzcuz lijyouz neihanz, daezsang lijyouz binjeiz aen yienh neix lo. Vih daejyienh aen lijnen Sanglinz “swnghdai laeb yienh、saekloeg fazcanj” neix, baez ciet lijyouz neix doenggvaq byaij roen



benz bya、gwh danci yathamj doxdax、ciengxndang souh-gyaeu ciendaez gyangjco daengj hozdung, cangdaej vunzraeuz vih saekloeg、gengangh caeuq vanzbauj bae ndeindei swnghhoz, baij aen hingzsiengq moq Sanglinz okdaej. Ndaw doz dwg gyoengq hagseng iq hawj gij bouxlaux gyaeu ndaej geq haenx hoh souhgyaeu.

(bonjbauq gicej Veiz Yennaz)

## Denzlinz Vatgud Nyeziq Ciepswnj Heiquengh Baihbaek

### 田林挖掘北路壮剧传承人苗子

Gaenh geij bi daej, Denzlinz Yen mboujduenh gyadaih cienzswnj caeuq fazcanj Heiquengh baihbaek mbanjranz, gyahung aen duivuj yezyiz Heiquengh lajmbanj, cizgiz vatgud gyoengq nyeziq daej ciepswnj yienj Heiquengh baihbaek. Bineix, aen yienh neix miz song aen cunghsinhyau faenbied hai miz aen ban Heiquengh nyeziq baihbaek ndeu, bingqcingj ndaw yienh Duenheiquengh、vwnzva' gvanj caeuq boux ak yienj Heiquengh ndawbiengz daej sonyinx gij hagseng neix hag yienj Heiquengh, daj ndawde vatgud ra aeu nyeziq daej ciepswnj yienj Heiquengh.

(Yenj Cinbyauh Vangz Gveiyangh)

## Cungzcoj Si Cauxndoeng Moq 17 Fanh Lai Moux

### 崇左市完成新造林面积 17 万多亩

Bineix gvaqdaej, Cungzcoj Si linzyez hidungj aeu caepguh aensingz ndoengfaex guekgya、caepguh aen sifan si ungganq ceafaex dijbauj daej cagaenj ca ndei, cienzmienh bae doicaenh hong cauxndoeng. Daengz dangqnaj, daengx si gaeng ndaem faex moq 17.44 fanh moux, ciemq yinvu 91.8%.

Baenzneix, si linzyez yezgiz lij laebbaenz 7 aen gunghcozuj roengz daengz gak yienh(si、gih)bae genj-caz cijdaej hong cauxndoeng loegvaq, bauj-cwng cienzmienh guhsat gak hangh hong linzyez.

(Banh Yaujhoz)

